

平庵悔稿

平菴悔稿卷六

括蒼項安世平甫著

言律詩

送李大著赴闕

王觀州閩金橋洲漢無限詩楚臣漢女不勝悲如今蕩蕩平

平矣却合融融洩洩之八怪加恩頒大冊三朝修史待
宏規回頭莫忘巴陵酒病渴多年少一危

送章升之料院自魚關還闕

憶侍先皇二紫宸殿頭親見鎖廳人畫簾官燭書了
黃牒青袍拜賜頻萬使回朝天亦老十年旅食夢如新
當時學士今頭白却送郎君作近臣

此別迢迢更莫言向來一別已茫然自從內使蘭亭歲
直到東坡赤壁年吳下故人如見問楚中狂士不須憐
欲知病後食何藥三百篇和上下篇

徽州赴羅主管飯

去年話別春風前今年相見菊花邊忽然來說二年夢

偶爾亦是三生緣弟兄金玉吾所敬肌膚冰雪人可憐
四海難逢一樽酒逸群那更有吳髯

借韻時吳子發同生

宋帥招李大著陳提刑同飯

龍蟠鳳舉玉霄傍肯為南公下石梁

宋帥台人識子文

新政事家傳宋玉舊文章斷無橫吏驚龐俗時有書生
近燕堂二客風流俱令上獨慚歌市接輿狂

夜坐懷都城

霏霏寒露濕檣竿耿耿明星動玉灣夜久暗塵無一點

心閑遠念忽相關天街月色中秋近
海岸濤頭數日間
正是錢塘好時節只愁風雨自闌珊

中秋月

素娥行處與誰同玉斧修成幾許功
空裡若安丹柱木
雲中應有白銀宮蟾行萬里惟三足
兔滿千山望一雄
海闊天寬無處問看渠朝暮自西東

寄題四川總餉陳郎中籌邊堂

四寸紅牙一握籌萬山牛馬去如流
天西日落長安近

塞外雲開滴博收草奏隋廢宮墨童談兵鷄古寶香浮
都將湖海元龍氣壓倒文饒百尺樓

四萬黃金六出奇家藏犬豹虎龍機古傳財賞軍能壯
今見樵蘇士不餓借得留侯十里箸掃平冒頓五方圍
歸朝不肯談前事問穀和錢却道非

辱井

寺前蔬圃是臺城寺後寒泉入柳營玉甃多年無舊物
銀瓶終日有哀聲游童走卒爭唾點弱水貪泉共姓名

不似冶鍼三尺土鍾山回首讓淨巖

卞持中墓在冶城

紀山寺觀梁宣明二帝陵

陵東二十五里長湖上太子觀後有梁明帝太

子墓

高祖當年起雍荆山川千古尚鍾情
林中佛寺君王冢湖上仙宮太子瑩
已見世誠霄斫柱又聞阿銑曉楊旌
生兒若似江陵上肯負渠家老騎兵

繹譽銑凡三都江陵

武陵道中元日自歎

流光冉冉道無聞短髮蕭蕭雪見侵
衰矣久無天下志

行乎聊慰老人心功名隨世吾何感道德康時力未任
安得萬牛呼古柏武夷山下白雲深

送董惺歸鄱陽

董君沙隨先生程迥字可久之婿也沙隨著書甚富董亦著哥國脉

書及救荒
活民書

沙隨程子九州聞獨擁經綸謝世紛傳業只今惟董祀
愛人於古似鄱君活民鴻寶方書備壽國靈樞脈終紛
欲服上醫何物是他時種杏滿青雲

習家池舊臨官路今路改而東池半入驛吏引自

桑林中往觀因記所見

步入荒林間習家江吞古岸入平沙枯池舊歲猶生藕
病柳新年尚著芽草上醉人眠未醒桑間遊女笑相遮
東風僇客生情性佇立殘陽看落花

次韻張部門湖上二首

已作西湖懶慢游北山蘭若更深幽驂騑蹀躞青林下
排艇夷猶古渡頭花滿楊坡桃不語聲喧陰壑水爭投
可憐不共林宗泛只有新詩許載酌

詩興春來似水翻更添冰凝入雲間中心白閣蘓堤路
兩岸南屏西竺山一日晴明翰子往半年風雨被渠慳
歌眠窈窕冲融裏月白烟青未忍還

春日湖上

一春官府倦樊籠飛隨浮嵐紫翠中雲外憑欄臨過鳥
石間披闢看奔洪東風菱蕩闌心綠落日桃谿盡意紅
更踏蘓堤湖面去玉霄光裏跨暗虹

次韻楊僉判潛室中竹枝

嬾龍入戶養慵枝。罷聽風雷却聽詩。頭角不爭雲雨會。
精神如畏雪霜欺。莫教畫手流傳去。生怕時人取次知。
此版可憐終不負。琅玕朝暮為君披。

次韻程堯仲風雨詩

春來長是雨相禁。春事能消幾日陰。一夜小桃紅削迹。
明朝芳草綠驚心。牆溝瀲灩忙如箭。簷瓦瀟瀟怒似吟。
前日東亭看花處。不知尊在與沙沈。
浩浩陰風徹屋號。霏霏寒雨一天毛。慙醒花柳經年眼。

潤透鄴原百尺膏鼓舞孰知神物妙沾濡方表化工勞
游人只見春能好香滿園林綠滿壕

同舍置酒孫園招熊華老

十年故園陽春地今日王孫尚姓熊坐上堂堂皆此客
雲間衮衮看諸公題詩小苑春風裏把酒夕陽烟雨中
莫恨來遲桃李過綠欄杉色正葱葱

黃潭道中十一月暫往武陵營秋伯兄之急

監輿欲上不堪羞古陌初窮未是愁客子天寒依道路

平春帖卷二
書生歲晚學伊優
烟中綠樹時招手
風裏黃蘆只點頭
短日鮮鮮還有意
為人朝暮暖駸來

和胡梨州賀得郡韻十

一月十九日

波間來往願莘其
林下歸飛樂鶯斯
羅致軍門雖有禮
捉將官裏便無詩
齊小有日君方往
舜牧無人我亦咨
西望雪山三百驛
何因杯酒得同持

偶作

舍前江路接征塵
舍後湖光淨渺然
不許紅塵穿港入

獨攜黃妳過橋眠
禽魚上下詩三百
風雨陰晴易二篇
定有真人沉蓮葉
夜深吹杖聽芸編

沙溪

沙溪東畔小沙溪
鑿石臨流喚客題
水欲環洲流故曲
山來擁市勢全低
車聲軋軋機中緯
榔響丁丁陣上聲
出處不齊均有役
兩輪天上亦東西

詠拋毬

綵旗丹柱倚春風
寒食清明罷繡工
千仞驪珠翻錦帶

五紋蛛網麗晴空百年日月跳丸裏一擲功名唾手中
漠北將軍貪蹋蹋豈知兵法在吳宮

次韻王主簿同考試

佐才洪州人

文陣縱橫劍戟叢喚回習氣老臧宮分明天上三題草
消盡人間一世雄聖處門庭開蕩蕩春來風景樂融融
何年一解隋唐格展放諸生闕里中

富陽道中

此生湖海慣漂浮黃鸝啞紅已倦游七載雲門穿布襪

今年嚴瀨著羊裘戴溪亭外天台路楊子江頭灑頭舟
欲跨祈連窺瀚海只今誰是冠軍侯

江山見新知閬州李著作舟至

小立江風見蜀船繡旗朱幔鼓聲喧問言何郡客新到
知是故人吾欲顛芒屨簡書真昨夢菊邊危酒是前緣
還家快與兒曹說明日鄰翁貸子錢

有感

幾許心期百未償更將疎髮對蒼茫江聲直上鯨波去

山色回看虎踞長
亂後碧無荒楚甸
雲間孤塔見維揚
承平舊事無人說
閒倚欄干送夕陽

桃花菊

花神得與換新妝
不著仙家金縷裳
也學時人尚紅粉
依前風味帶黃香
微醺有意隨風舞
獨立無言任雨荒
喚作桃紅元未稱
桃花那辭傲秋霜

同劉監丞大臨步觀長干寺後諸園

游人塞道不容車
千古金陵少婦居
朱雀大桁春雨後

烏衣深巷曉風初紅紅白白花無數下下高高意有餘
此景只應閑客管瘦黎輕蓋日徐徐

次韻高安撫雄楚樓餞別

醉擘烏絲寫玉欄坐分鸞膾膾龍肝已知金楚風流在
更覺將軍禮數寬一日樓成供燕餞明朝岸轉憶高寒
幅巾藜杖他年事準擬歸來得重看

阻風岳州回寄曾漢陽

病裏牽船去趙沅醉中題字寄曹潛

蜀人謂老
子為潛臥聽別

語心難遣起看家山路不多晴日上江卿大好北風吹
浪汝云何早知七日桃花峽且可千鍾行葉波

又次韻吳少保游雄楚樓及渚宮

紅旗繡額上城頭菱葉荷花下小舟遵渚夷猶蕩佳月
倚天突兀對高秋坡公句裏東南水浮天自古東南水以屬渚宮
杜老詩中西北樓西北樓成雄楚都以屬雄楚樓點化山川一刀匕風
流從此說吾州

還過渚宮

一興一廢古今同
熊繹當年起霸功
沿漢沂江開國步
收梟規偃建王宮
重來舊日嬉遊處
猶覺如今氣象雄
想見得臣并闕穀
治兵謀國震山東

下得腰輿倚瘦藜
閑將病骨照清陂
三王故苑風流處
二月遊人爛熳時
此日鬢邊應笑我
過來胸次却關誰
一年兩度西城去
獨自官園賦小詩

次韻和張安撫九日龍山賦

使君千騎踏清秋
乞與他年說勝游
自有名山無此客

痛前遺臭為吾州野人已畢三時務老子聊寬一日愁
猶有平生憂國意不堪搖落對江流

明山湖阻風

咫尺明山在目中呶啞三月傍蘆叢神瘁繫久号無力
火隊收頻飯欲空半世宦途仍舊職一生學海未新功
舟人愠見官人笑萬事從來慣逆風

十日發祁陽

自矜重九苦吟處寫出浯溪真畫圖安排秀句待石鼓

指點江神迎綵轎小雨已休朝復作寒流忍漲夜仍枯

蓬聲瑟瑟灘聲滑應伴先生著句無

石鼓山在衡州城下

蟠螭結剏走長坡百尺蒼烟出女蘿削梯微膏憐俗薄
和泥封瘡謝官多輝輝野日晞寒髮索索剛風起細蛾
幸自本無饑渴慮不知何事此婆娑

至齋詩為劉知錄作劉名策字叔驥子取淵明榮

木詩諭之今以至名齋淵明詩云脂我名車策

我名驥千里雖遙孰敢不至

酒邊琴外薜蘿明

薜蘿即
藥木也

栗里幽人遠念生一寸光陰

知有限百年心事恐無成
追隨春服攀高駕指點零童
問去程簣土未升泉有達
高深那得便忘情

試學士院聞大駕過重華宮

君王鳳輦過龍樓清曉都門積雨收
淚落三朝餘父老
春生簇仗萬龍旂
群公就日丹衷罄
索虜聞風逆膽差
湖海小臣心未已
更陳千慮向黿頭

四月二十八日輪對遇雨

橫柳疊鼓迎相催西府東班次第來
雨入北門千步濕天臨後殿九重開
嘗時只在中廷拜此日容穿左序回
叨近威顏陳烟幅愧無宗論補涓埃

次韻王大著大享宿齋

淺學胡然敢望回英躔幸甚得追陪
談鋒羨子兩無極詩境愧予田盡萊
叢桂晚香牽獨夢小梅春思惱清才

丁寧閣老須勤賦早晚西扉詠砌苔

一時同館南強供職最久

至竹客巖却寄金山閣老

金山在於陽縣南

平菴悔樵卷六

七

二十五年丁令威二十五日髻成絲塵埃滿面脚欲破
酒肉熏心古畫癡雨出郭門耶一洗日從源口便相隨
振衣直上千峯頂却寄金山長老詩

為狄氏題

漣蒼洲邊縛葦亭百年朝暮看雲生月光破處藕花舞
雨意來時蒲葉鳴歸艇欲迷宵路重捲簾忽散曉風清
已同蒼狗俱無意豈有江鷗更用盟

過如春堂觀趙德麟詩帖因次趙成卿韻

阿麟文采近西京付與而公翰墨名

成鄉之父少保公學詩與字於德麟

今日如春堂上看當年遺帖子孫榮元豐曲裏承平話

德麟書元豐御製詩小杜詩中戰伐情

德麟亂後贈杜通直詩濟

上舊造成一夢王孫端復可憐生

鄭檢法久病將起以詩速之

詩人貪睡費朝衙臥看香奩暈碧鴉已向中秋阻丹桂

莫教重九負黃花瞳瞳初日闕農事冉冉閑情近物華

已辦作饅尋故事速來同醉落烏紗

去年重九檢法作饅

送吳襄陽換承宣使歸奉朝請二首

去年荆府參謀去

葉正則

今歲襄州太守歸
捐我漢南江

北却從今樂事賞
心稀南風日日
菰蒲長秋水
上年鰈鰕肥已斷
此生湖海裏
鱗鴻無用到
紫扉

三朝橐珥真王子
萬卷詩書大布衣
戎尚不知身是貴
人於何見昨為非
言者謂戚里不當為從官
東朝特地成西序
放去分明是召歸
時觀重華談物表
君臣相對兩忘機

平庵悔稿卷六

平庵悔稿卷七

括蒼項安世平甫著

七言律詩

雪堂

又到黃州舊雪堂
雪堂文字斷人腸
紫烟有路連桐柏
清浪何年看洛陽
北望神州皆晉土
誰為黨字豈蒼王
先王讀論空流血
浩浩乾坤此話長
桐柏烟橫此半紫
閒看秋風浴水波
皆先生黃州句秘
府祠蒼頡為王

病起和柳州劉司法贈詩韻 八月九日

平生爲學媿心休，此病何年得可瘳。
杜渴惟應臥江漢，齋瘡何感罪姑尤。
久之法掾師韓子，更向龍城問柳侯。
能辦茯神驅瘴鬼，吾衰從此不須憂。

再和病起韻答曹仲明 八月十四日

愛我空城美疾休，未蒙鍼砭若為瘳。
齒疎髮脫真無用，語澀行遲見寡尤。
稍善知醫似高子，敢云稱病學留侯。
徑煩曹植波瀾句，一為元微破隱憂。

自過漢水菜花彌望不絕土人以其子為油
漢南漢北滿平田三月黃花也可憐惟有書生知此味
可無詩句到渠邊油燈夜讀書千卷蠶白晨供飲十年
今自相看總流落洛陽櫻筍正爭先

用韻送任以道入四川總領幕府二首

銅梁天漢一輶新紅芰清波去反辰願我索居誰為友
與君難別豈閑親飛書上隴催庚癸閑息匡牀侯子寅
出處雖殊心事一漁溪風月舞雩春

軟紅塵寰不爭新
蠹簡香中却競辰
鄴架孔堂深貯腹
鮫篇陳檄妙看親
窮糧輶輶虛勞午
歲月悠悠老秩寅
曷日陰山行漢馬
大揮椽筆布王春

和王子一用韻告別

積吹摩空海有鯢
驚雷出地竹生孫
娑羅木吐層層艷
宰渚波開面面闊
小貼金花聽疾足
淡書灰墨看高鶩
街槐影裏宮袍出
回首無忘匯澤門

野山茶紅白二種

樟原嶺下野山茶半是紅花半白花
雨裏向人俱有淚
花中隱士自成家
依稀簷蔔梢頭雪
髣髴棠梨臉畔霞
恐是山君雙侍女
不應臨路久咨嗟

夜坐納涼

黑雲湧起星月暗
急雨欲來天地涼
精神颯爽動秋思
襟袖飄蕭吹晚香
石岑曉青菖蒲細
盆沼漲綠鳬花長
此中何處得三伏
更聽露井响銀牀

陳氏四芝圖

仲李相勉以承伯兄孝及之緒其應
如此

平庵悔稿卷六

三

當時一念繼元昆誰附飛章告九閭天聽直無多遠近
地靈頓有許便蕃擬賤此事呈諸老盍引斯人侍至尊
弭旱功夫消幾許草茅猶足動乾坤

守歲

人情憐舊復憐新擾擾通宵雜笑喧炷蠟煎膏留漏箭
買椒沽酒辦厨珍一聲竹裏千家曉百和香中九商春
莫道病夫無節序明朝清鏡滿梳銀

大家投轄駐年光共判今宵一醉長不管栖禽驚列炬

且傾浮蟻盡餘觴
茶爐已作當閑面
花柳誰知惜別腸
看取平生雙鬢髮
也隨新歲著新霜

重到東齋二首

人生底事非前定
我與東齋似有緣
別去風光只如昨
重來花水已經年
曾將問荅趨參席
愧把才名據鄭壇
却憶西堂舊詩反
幾翻風雨對牀眠

次韻沈若院見贈

三載鳴絃空不齊
姓名飛動玉宸知
從來蘭省絲綸署

夢入槐林草木詩我亦放言聊爾耳居真施手事于斯
為寮況是張公子錦筆淋浪日對持

秋日陪使君飲章華臺

堂堂雲夢接天開華路規模亦壯哉自是邊城多古意
那堪秋日更荒臺諸侯聚散群鷄宿百代興亡一雁來
一舉便君三太白奈何胸次鬱崔嵬

還過郢城

北子囊所築以脩吳也方五里楚都之
郢在柳門外十里今謂之赤湖城與此

郢相去
五里許

頭白初行郢水邊
故城千載尚依然
豈無戍卒持鉦鼓
應有居人沸管弦
今日桑麻成沃野
幾家茅竹散平川
停車欲問當時事
紅日翩翩下翠烟

六日寄鎮江烏侍郎大同

十四年前楚水傍
碧油幢下拜輝光
鮒魚躑躅遵行潦
龍馬騰凌出大荒
珥筆南宮扶日月
橫戈北府控昇陽
冷官只有酸寒分
又把蒸燈照葉黃

道山風雨

年華澹灩滿皇州時節淒涼限勝遊
雨後石渠新水長
風前芳閣晚香愁不堪萬點梅花老
強倚千絲柳帶柔
又是長安一百五春陰漠漠未能休

題王醇甫秀才海隱齋

萬人如海最堪藏何必南山有豹章
避世金門師曼倩
變名桐嶺笑嚴光睡龍淵底珠潛色
抵鵲山頭玉混芒
不比尋常溝瀆裏蛙跳雀浴便張皇

久齋詩為南康趙司戶
汝珣作

歲寒始見松將柳道遠方分驤若駕鑿井為山新意氣
斲榦音寒穿石老工夫重湖水作葡萄漲五老雲成錦繡
鋪萬古千秋模不盡幾家文集幾家圖

遊齊山

半生作夢身初到此日遊山興可知小蓋西穿楊柳岸
平輿斜掠桂花籬層軒俯瞰人寰狹陰洞幽尋古路危
湍寺留題誰最警南唐人寫晚唐詩

寺有江南李主
寫杜牧之詩

謝姜夔秀才示詩卷從千品蕭東雨學詩

千巖一派落都城承露金盤爾許清古體黃陳家格律
短章溫李氏才情等閒又得詩人處咫尺相過故將營
想見紅塵烏帽底幾多懷玉未知名

監利許知縣錫見示詩卷

哦君五十四篇詩然盡青藜杖一枝長韻屈平經裏思
短章介甫集中辭只因雲夢曾遊耳便把江山盡得之
割我錦機君已甚不須更遣世人知

謝王草場示詩卷

王郎老句合超羣曾是東萊話夜分多向斷崖生絕景
或于清野度輕雲舊吟古意無八斛新住荒園危世紛
特地藍輿穿北郭已聞藜杖過前村 借韻

送陳正己赴調 十月十五日

一寸丹心百念更滿簪華髮萬人驚問拋歲月供書冊
長把饑寒為友生此事不輕身出處諸公可念政和平
昔藏名字依沅水今逐帆檣覲漢京

送任三舅赴調 十月十五日

火雲燒浪峽中歸朔雪橫江又語離一世由來迎送裏
多才好去盛明時人知與我為兄弟或欲從君問髣髴
為說掌中亡玉樹中年懷抱總堪知

次韻新瀘南張安撫送行

孝若字庭芬江陵人

滄湖居士楚江臯助我嘉州竹葉醪侍立郎君清玉雪
贈行詩句妙風騷懷人眷眷辭多苦接物卑卑道更高
自聽津亭三日語掃除湖海一生豪

後出西偏門迂鄭安撫

四郊殘雪未成泥十里籃輿難馬蹄
道上行人按樣織日邊雲氣剪相齊
山圍鏡野成環玦凍折冰河散壁珪
獨立跨河橋上望與誰同說馬公堤

次韻奉東溪劉居士

左史之兄

雪領飄蕭電目明老于塵裏詎沾塵
忽逢已解傳吾句元亮何妨得此身
詩卷酒盃為事業藥囊丹鼎自君臣
幅巾短褐長安市誰識東溪直釣人

送吳察院赴江西運使

獵字德夫

春風同上杏園鵲夜雨江湖十九年
冊府歸來頭併雪
鼎湖仙去淚盈川喜君冠豸裨新政
容我祛蟬校舊編
忽見繡衣南浦去亦思小艇白鷗邊

次韻鄭檢法休日律詩

舜卿字虞任長樂人

一閑早已破閑魔忙日求閑更幾何
稍向靜中觀物化
未妨聖處策勲多官曹似我方成冷
詩句如君可得過
小待州橋好風雪碎敲吟鐙逐清歌

次韻潘都幹喜楊中庫歸督其和詩

鳴鶯三歎友聲詩底事間璫未應篋嗟我金蘭多寡彼
賁然風月喜來思將軍老去猶橫槩壯士前行莫退綏
只恐監軍門下客未容我幕舉三麾

再次韻贈潘楊二君二首

今代潘郎老作詩及聲相應速如篋燃箕短句寧論步
聯鼎長吟不待思武事解歌三箭定文容堪頌萬邦綏
從公更覓中和什慚愧無因把蜀麾

楊子高才作小詩似裁推管制纖篋亂流不怕公無渡

絕險寧愁我所思
百鎰黃金裝馬首
五文繡段繫車綏
橫行海內無堅陣
目短曹劉不足麾

又用韻酬贈潘楊二首

物物當前總是詩
過絲成瑟竹成虎
止呼大義周王澤
蔽以無邪孔氏思
屈賁詞悲變弁音凱
齊梁格靡陷崔

子雅切綏欲回溫厚
千年教須仗詩翁
為一麾北篇屬潘

四海誠齋獨霸詩
世無仲氏敢言箴
周公費誓傳禽父
宣聖中庸授子思
鍾子期家應喜聽
邨無邨後定能綏

真傳更在吟哦外大節如山不投麾

此篇
屬楊

再次韻謝潘都幹

壯士從軍不廢詩何妨笳鼓間簫篴
秋城夜觀無公事月脅天心有詠思
歲稔公私方暇樂時平福履正來綏
金陵風月三千首共看君侯羽扇麾

次韻趙僉判投贈

三復新篇吻為乾載賡餘韻甲生顏
今無愈湜陪長吉古有嚴徐伴小山
秀出荷蘭仙李外思留春草桂枝閒

從來只有詩人苦可笑王孫不自閑

再次韻趙僉判投贈

天街何日雨雲乾夢想王孫白玉顏一日能從晦巖子
十年不負會稽山吟詩可但師唐白服禮終期類漢閒
萬事總當如廢戶已私除盡即心閒

次韻黃縣尉祁陽遇全州試官同歸

粉字朱脾簇縣津綠蓑青笠洗行塵一時客路同歸棹
半是年家及里人秦代徵君崑山石吳時霸主澗中神

休將短髮供離恨
早卜寬鄉作酒隣

次韻寄謝楊制機送行

把卷愴然不自勝
古來離合豈人能
未應鬢髮尤窮髮
暫喜飡蔬得枕肱
身逐南雲親色養
夢尋巴瘴隔心朋
囊中貝母煩分惠
獨學仍愁舊病增

休日過劉寺

綠髮蕭蕭變白頭
二年京洛不堪愁
雨天賜沐逢行霽
烟寺分茶得舊遊
古蔓巧當陰洞掛
驚泉遙上畫簷流

曲欄干外山如染最是橋亭合小留

再次前韻唁南湖放鶯燕

誰向南湖賦白頭西風團扇有新愁
歸巢海燕無多日出谷暖鶯何處遊
文杏梁邊泥尚濕綠楊堤畔水長流
有情莫掃園中路舞影歌塵處 留

次韻贈東湖周子問

玉鎖凌空不可攀卧聽車馬日三竿
以湖拜命官名散把酒封君國號歡
父祖詩家三世將弟兄文陣兩秦難

年豐母健無餘事長作人間謝客蘭

再次前韻荅高秀才言詩

萬仞崢嶸赤手攀但能進步莫憂竿一生便作苦吟去
萬事何如得句歡鼓氣易衰憐我退市聲方午似君難
丈夫不用分畦畛臭味從今蕙與蘭

次韻張祕書春日憶莊賢良

卿家客子幾當歸問訊頻頻守舍兒篋裏蠹魚穿故帙
壁間漏雨濕殘碑夢魂欲往春迷路心事相望月到題

樵斧丁丁上雲谷有齋何用慰斯飢

次老沈秀才韻

千駟不教齊封君西山餓夫萬古名勢利須臾覆手雨
邱壑耐久無心兵有田二頃多種秫栽蘭九畹當飡英
他年會有佳客過東老向來如此清

次韻答吳阜之投贈

沈沈寒甕經千尋澹澹疎絃瑟五音讀罷自今三太息
個中應有一生心君真骨相超凡馬我已情懷學展禽

肯為明時當許事科場文字未須深

十九日至都門次翠仲至立春日見寄韻

客子沙頭飲餞時
羨人溪上正題詩
栗齋寒盡相思早
竹閣春閑拜賜遲
別後著書逾汗馬
閑中讀易見靈龜
何由洗硯居足左
快斧麾天看一斯

次韻張部門

管領孤梅近小窓
推排茗椀當壺漿
且然入局無公事
除却申臺有印章
飯已抄經臨小楷
興餘揮句落斜行

不堪平日詩千首剛被人求朱萬箱

平庵悔稿卷七

平庵悔稿卷八

括蒼項安世平甫著

七言律詩

九日喜陳一之提刑至龍山

聞道西征使者來，滿城風雨菊花開。
喚回烏帽十年夢，驚倒龍山百尺臺。
病叟舊疴初去體，冗戎新醞恰浮醅。
籬邊更有休官令，人事天機亦異哉。

宋郎新開府陳正己新自沅江縣令

續聞李李草提刑舟到用前韻迎之

今日何居忽鼎來
眉心黃氣十分開
青簾穩下東三峽
繡斧相逢西外臺
抱病拾遺脩破帽
罷官陶令覓殘醅
未知千古龍山下
有此重陽盛事哉

和陳正己九日公安道中韻

何處山無九日花
故人相遇即為家
君方去著風前帽
我已寒如露後葭
久閉柴門陶歲月
晚憑兒子送生涯
眼看一樹堂堂去
雙鬢那能不早華

次韻王少清重陽

旋收積雨放秋陽天亦慙慙慰酒腸
籬下看花元自逸公前露首固非狂
笑渠幕底鄉心動竹葉杯中古意長
每到佳時懷舊隱羨君猶爾愧吾忘

次韻承甫兄重陽

露入楓林葉未黃風將花信到南陽
一年好處詠九日四海幾人雕寸腸
偶爾至今成故事亦須隨分繫萸囊
陶生孟祖當時意可但區區為一觴

涪陵令李坤幼隨母冒姓今復姓王乙未同年進士

孝子平生三釜悲故人解后一寒疑亦知自講陶朱事

范文正公復姓謝不用戲題臣向詩宋元憲改名後答同年詩用劉向事

舊日夫人稱李衛如今弟子即羲之姓同名獨吾何憾

厚德真堪慰所思

次韻送新潛江滕令

髯滕筆力萬鈞強少日詩聲遠擅場身著青衫頭半白

腰懸銅印綬仍黃魚來音市鮮無數酒滿龍淵樂詎

央若許為氓仁改裏一廬烟水受漁郎

俞市龍淵皆
潛江地名

縣南堤破戶金逃縣北堤存尚可留春野縱耕無吠犬
秋場一笑足迎猫解牛巨手烹鶩水戲彩深情化哺臬
時喚雲洲論小篆少於韓蔡老於潮

潛江秋彥誌上
于篆自號雲洲

送任壽朋赴襄陽令

際天南北凝凝盛夾漢東西嘖嘖長為客曾誇心膽壯
送君今嘆鬢毛蒼五官置屬蓮成蕩

師漕憲龍角都
統屬官在焉

七

校屯共柳作行中有書生騎瘦馬自弦焦木種甘棠

潭心山頂碑何在鳳翥龍翔夢亦非
野鍾狼烟參井畝城開鴈翅入江圻
蟠胸蠹帙千年富手到雞鋒一快微
應待經行阡陌徧喚登文石問兵機

重過鄂州

南柯夢散不知年東海騎鯨作醉仙
我自偶經前赤壁誰言曾倚舊青檀
轅門甲馬三更發古寺鐘魚一夏眠
慚愧白棠花下叟當時窮狗尚流傳

晴日近江西帥徐子宣

漢殿東頭玉琯回吳城西上錦帆開一天紫霧風吹散
千丈紅光日射來翼軫銜廬生喜氣江湖淮海絕纖埃
淒涼只有山前客何日臨津理去桅

和宋帥出示所送李大著詩

掖垣清夜十年愁夢遶西南處處州

李蜀人也

忽向江陵逢

太白同嘲楚國看倡優梅花賦就行人遠白雪歌殘兩
葉流日暮江空魂欲斷更題九辯說悲歌秋

樓前人送四前旌

時同送四客

樓上詩添七字成蔽芾風中

皆德意泰苗雅裏盡仁聲請回南國條秋筆歸主中朝
禮樂盟天下舉安吾始樂時哉王道正和平

病中三復合人篇可但才工與調妍心在霄壇沂水上

思去聲通歸鳥岫雲邊自將鐵石為傳授不與風騷較襲

公聽者座中誰最喜丹邱道士舞如顛

次韻荅劉正將

落魄劉郎住藕池湖南湖北竹枝詞

江陵藕池有劉郎
即沈先生所居風

流故有諸孫句絕妙都如幼婦碑玉斗歌成微醉後銀

河曲就淺寒時文章自倚兼餘體不分人來只看詩

次前韻答徐監門

依環仿磬作園池憂玉鏤金出好詞

環磬皆徐氏家園池名

世擅

文章從魏氏家傳仁義見韓碑抱閨碌碌卑飛日去國
遲遲獨住時相值兩窮方有味短牋朝暮送新詩

次韻答蜀人薛仲章

只憐久病劉公幹不羨多騶鄧仲華解寄長年新句法
頗思前夜好燈花自離窓外千秋雪長看天西一色霞

想見疎桐涼月下幽鴻無伴立寒沙

讀杜賢良文卷

舉公售淺戒深鉤學士談根諱未流萬古斯文真一髮
百年逢子散千愁氣雄聲正師韓集格重詞妍似柳侯
天遣孤窮應有意未追豕繫莫輕休

同年董知縣席上

十五年前玉頰紅長安道上氣如虹集英廊迴含霄露
後市樓高納海風解后一涯俱潦倒摩挲雙鬢各蓬鬆

酒邊更用分疎在明日相看總是翁

送羅機宜秩滿東歸三首

不受征西入幕賓只圖抽得最閑身

蘇子由機宜聽記云邊頭無事此官

最閑畧無崖岸胃懷白洞見中邊德行淳但用至誠裨府

主不將高論託時人如今獻納須公可若是朱雲却未
仁

風聲飛動候長身縹緲襟期不受塵豈是忽然忘應物
亦知叢雨漫勞人若非事業驚當世也合文章作近臣

此外世間無處著却須汗漫跨麒麟
十年為客古南都不謂斯行得範模
我自閱人惟見此公言有弟更勝吾
金堤碧瓦新游覽綠竹紅薇舊醉呼
短別未應勞夢寐定來騎馬看西湖

送樓國正罷荆幕東歸

一江秋水散芙蓉笑買扁舟下五湖
北學自憐非楚產東歸安得與公俱
同年進士今丞相六館諸生舊講徒
朱橘白魚留不住洞庭橙熟有新鱸

贈韓術士

睡過春星十二番
牙疎髮脫久知難
捉將官裏兵良苦
放入山間枕乍安
舉世知君能武不
愁無客問彈冠
毋多奪我枚回渚
厚笠輕蓑老竹竿

送潛江令徐盈

漢江西畔蜀江東
中有荆王古縣公
為艾獵來民見德
穀於菟去士傳忠
肝腸可奈平生苦
機杼胡庸抵死窮
君寵親恩俱望報
直須平易與天通

和韻荅都昌胡令論詩

竹屋廬門映短牆夜深宜月晚宜霜貴山願我如相識

白水粘天似故鄉

江陵有
水無山

光景萬端皆好句肝腸百鍊

見真剛今君正與民同樂安得清愁滿腹裝

夾得胡仲芳詩次韻

天遣清明作小寒人從赤壁上青山願宜書更形骸外
賴有詩猶意氣閒一日水程無幾住百篇大急莫令慳
杖藜徑入漁樵去從此日君得往還

劉都翰送伊川山谷二像

翰字武子

十年道學試明處四海詩篇雅頌餘
元祐向來基宥密
涪江相逐伴樵漁
坐中蒼白誰安立
身後丹青獨久如
再拜兩公何所見
衣巾端肯過吾廬

和陳信民用韻以高撫州之命相招

入無錫瓦出無間

驢與閭字通

笑殺康山老寄居客裏光陰

何以度門中親舊
頓然疎武岡
文學來役卷
臨汝君侯
肯致書
早晚一犁親
受地時於笠底望行車

次韻鄉人賀歸

早知芳樹不如歸底用青天接翅飛
但了寢門安與否更闌城廓是和
非預愁計日當還次安得窮年只掩扉
羨殺能詩西閣老一庵依舊鬢毛稀

張晉用晦自西和州來歸

六月十五日

江海張公亦壯哉雪蛆生處守邊來
縣來六月冰如鐵土焙三更冷似灰
棧踏曾雲歸蜀道船欺急湍下瞿堆
沙頭病士眠如熟又見征人萬里回

過無錫寄沈知縣

李豐

同時月殿氣如虹各自天涯影似蓬
半世弟兄纔一識二年州縣忽重逢
湘山飽聽靈妃瑟錫水新彈單父桐
剩有江湖不歸話回船相就却從容

過秀寄廉秘書

師旦

圓嶠仙人厭久如戲求同穎作周書
半生聞誼親無路一日同僚分有餘
余入館之日
廉適補外西子湖邊春載酒征官
亭上夜分裾秋來懷抱知多少穩是
歸程細細攄

成都二月十五日補試院呈同官

向來耆舊日爭輝太息西來萬事非一笑烘堂吾豈敢
有年憂世淚仍揮洋洋大國風流在奄奄諸生氣息微
欲挽岷江注東海吾衰無力只思歸

三次劉寺韻賦張以道新居與約齋夾湖相望

寒綠新軒對馬頭陂南陂北銷愁合添漁艇兩三隻
時與約齋來往遊歌枕孤鴻烟雨漲釣簾宿鷺晚光流
何時祭竈呼鄰里我欲題詩素壁留
新居在行宮之側
後軍寨之石方

碧柳黃蘆冷映門
荒陂寒水淨涵村
深深留殿朝常閉
肅肅行營夜不喧
景似邱園宜避俗
事非風月總忘言
平生故有閑吟分
何物堪酬造化恩

再用絲字韻謝張留守年訪新居

畫出成都客子詩
元戎真赴野人期
白沙翠竹新晴罷
紅旆青油小隊移
聖世散材甘永棄
師門曲木未全道
驚魂已作逃絃鴈
只願長江理釣絲

再送陳沅江

三年食節厭冰廳一日栽桃遶帶城
水入洞庭天正闊山連黟歟地偏清
醉歌屈子醒時賦琴和湘娥瑟外聲
若到江濱逢九肋為言稀有是輕生

三送陳沅江

苦死相留不療飢再三相送只添詩
金蘭去我方嫌速襦袴催公莫恨遲
碧海聲名無右者玉霄岐路合東之
未應白髮青溪上長傍孤蓬理釣絲

再得崇道觀寄王左史容

藥鼎無時手自煎萬囊長在枕頭邊
罪今脫矣從頭白病已安之用涕漣
始悟舊時成卦影只消崇道了天年
故人讀罷知余喜遙舉真珠百斛泉

答劉知縣岳詠雪

一夜雲潢剪素娥平明門外奈詩何
灞橋鄭五方如許冰柱劉叉更患多
衆版並題吾豈敢扁舟乘興子能過
不嫌茅舍無壇否共續長安慷慨歌

次韻周子問詠雪

掃罷殘冰又辱臨
喚回前雪與爭新
禁持酒力難為聖
倚瀨詩腸即有神
朝氣顛狂從自舞
夜深騷屑會相親
白頭滿眼長安夢
三月楊花覆錦茵

贈葉少敏

絳臘高然玉粟花
眉間喜色見宜家
銀河已報橋成鵲
寶鏡遙知鬢盡鴉
柳外月圓人漸好
洞中桃出路非除
從今莫作悲秋賦
直自安仁鬢未華

贈黃愉

三命盤中水火煎
五星局上計羅纏
天公賦與元知此
歷叟欺腴謂不然
一紙向人明似鏡
平生惟爾直如弦
更持居士鹿門去
欲獻何人覓酒錢

次韻范有交秀才投贈二首

頭顱看即已如斯
狡獪何能尚昔時
物自有情非我也
筆因隨意偶書之
不知風壑鳥由籟
但見春林忽自枝
老去詩名多減盡
詠沂門戶欲容窺

汗江范子亦奇哉
謁入寒廳眼為開
少自論心弋陽老

新年行脚良齋回。君方赤子騎生馬。我已冥心學死灰。
空復項斯門。地在箇中無處覓詩才。

次韻高秀才重九二首

未待經霜折嫩黃。已思斜日醉高陽。鬢毛擬共冠巾約。
詩句先含萸菊香。小雨微雲愁令節。批風借月倚新章。
應門莫報催租吏。酒債如今也未償。

茱萸未插鬢先黃。兄弟西陵更岳陽。鴻鴈來時俱是淚。
菊花知汝為誰香。臺因抱病難重上。詩為催租已斷章。

新樣小檀官釀熟輸君直把九秋償

送海陵孫縣丞三首

壯年往贊海陵公切莫哦詩歎負儂

借韻

妻子父兄皆上

祿民人社稷盡天土稅存產去須勤割陂壞田荒與細
通日暮歸來念此哲尚應無面著慚紅

向來一尉萬人知此段風流已大奇資考漸將京秩近
新年能使道心移但慚我乃更民上勿謂官今選調卑
持此尊前供笑樂勝如天上拜恩私

新安老子放窮山星婺仙人古柏間今日吾儕隨利祿
高風千里斷躋攀天寒日短雙輪去海闊波深萬艇還
山嶽浮圖須自力有為何地不曾顏

次韻和謝江陵楊縣丞授贈四首

柴門密掩但如孫白榻高懸偶似陳度骨久將梅其瘦
鬢毛難與柳爭新却思二十三年上曾醉十品萬壑濱
頻月夢風如昨日堯天休舊滿懷春

徑苔鋪翠葉堆黃生怕人來便踏傷病久養成心性懶

閑多行得歲年長已拚故我忘俱盡忽話當年吾欲狂
蓮蕩稻田相對起鏡湖南北好風光

與君齊宦五雲東與我齊生一歲中今日天涯須共笑
半生頭髻畧相同觀中香火無官守庭下吟哦少事功
未必苕溪閑似此買船歸去莫怱怱

買臣五十貴何疑衣錦懷章亦未遲苕雪有情依輦轂
簪纓無數足觀知只消笑向長安得何用歌穿郾市為
江漢沮漳吾老矣藥囊如櫛氣如絲

又次韻羅商卿鄉夕雷雨

早秋初夜暗涼坐門卷歡呼見物情時節自令兒女愛
年華潛遣鬢毛驚一聲霹靂開銀漢萬丈雲濤下大清
析木津頭傾見底鵲橋從此不須營

送任梅叔赴州教授

楚船西上蜀東圻茆滑芹香水半園養就鯢鯨觀海運
哺成鸞鵠教天飛化行石照銅梁外人指蓬山藏室歸
喚起少年時習夢小憲寒日鬢毛稀

平庵悔稿卷八

平庵悔稿卷八